



KENYATAAN MEDIA JABATAN PENGANGKUTAN JALAN

OPERASI KHAS KENDERAAN KLON

Jabatan Pengangkutan Jalan (JPJ) meneruskan usaha membentaras sindiket kenderaan klon dalam operasi khas yang dijalankan secara bersepadu bersama pihak SPRM dan KASTAM. Fokus operasi khas ini adalah menangkap sindiket yang membawa masuk kenderaan klon yang diseludup dari negara Singapura.

Hasil risikan yang dijalankan mendapati, modus operandi sindiket penyeludupan kenderaan dari Singapura ini memiliki *Certificate of Entitlement* (COE) yang akan tamat dalam tempoh antara 3 hingga 7 hari sebelum dilupuskan.

Kenderaan klon ini dijual dengan harga yang murah bergantung kepada model kenderaan dan tahun kenderaan tersebut dibuat. Harga kenderaan dijual antara 3,000 SGD hingga 5,000 SGD bagi kenderaan jenis model BMW, Lexus, Mercedes, Honda dan Toyota.

Setelah kenderaan dipilih dan pembayaran dibuat, *runner* daripada Singapura akan membawa masuk kenderaan tersebut melalui Tambah Johor dan menyerahkan kenderaan yang tersebut menggunakan nombor

pendaftaran Singapore kepada *runner* warganegara Malaysia sebelum diserahkan kepada pembeli.

Seterusnya, sindiket tersebut juga akan menukar nombor pendaftaran kenderaan Malaysia mengikut jenis dan model nombor pendaftaran kenderaan yang telah didaftarkan di Malaysia.

Operasi bersepadu yang dijalankan ini telah berjaya menahan dan menangkap sepasang suami isteri yang merupakan sindiket membawa masuk kenderaan dari Singapura untuk dijadikan sebagai kenderaan klon.

Pasangan tersebut telah diserahkan kepada pihak KASTAM untuk tindakan lanjut dan kenderaan yang dibawa masuk tersebut juga diserahkan kepada KASTAM untuk tujuan pendakwaan.

Sehingga kini, jumlah tangkapan kes kenderaan klon adalah sebanyak 917 kes semenjak operasi ini dijalankan pada awal tahun 2015.

DATO' SRI ISMAIL AHMAD
KETUA PENGARAH
PENGANGKUTAN JALAN MALAYSIA

26 FEBRUARI 2016

Unit Komunikasi Media | Jabatan Pengangkutan Jalan Malaysia
Tel: 03-88928103
email: pro.hq@jpi.gov.my
Laman Web: www.jpi.gov.my

[TAMAT]